

Cofion

Mae Eurgain Pierce (Llanefydd) yn ein gweddiâu'n gyson ac anfonwn ein cofion cynhesaf ati hi a'r teulu i gyd. Ar hyn o bryd, mae'n cael gofal yn Ysbyty Glan Clwyd ond y gobaith yw y caiff ddod yn ôl i'r Inffirmari yn y dyddiau nesaf. Diolchwn amdani a gweddiwn ei bod yn adnabod gofal a chariad Duw yn ei hamgylchynu.

Parhawn i gofio am eraill o'n plith sydd heb fod yn dda eu hiechyd ar hyn o bryd hefyd. Gweddiwn y bydd Duw yn ei holl ddaioni yn rhoi nerth a chysur iddynt yn eu hangen. Fe'u cyflwynwn i ofal Duw gan ofyn iddo warchod drostynt a thros eu hanwyliaid yr un modd.

Anfonwn ein cofion hefyd at Richard M. Jones (Cefn Berain) sy'n cael gofal yng Nghartref Gofal Tŷ Cariad, Abergele, fel ag y mae Gwen Evans (Saron) a Dilys Jones (Nantglyn) yng Nghartref Dolwen, Dinbych. Gweddiwn eu bod hwythau'n profi gofal a grym ein gweddiâu drostynt.

Casgliad Cenhadol Chwiorydd y Gogledd (EBC)

Os ydych yn dymuno cefnogi gwaith cenhadol yn lleol a thramor, bydd trysorydd eich eglwys yn ddiolchgar o dderbyn eich cyfraniad **erbyn Dydd Sul, Ebrill 8^{fed}**, os gwelwch yn dda. (**Nodyn i'r Trysoryddion:** Er mwyn galluogi'r Ofalaeth i drosglwyddo'r arian mewn da bryd, wnewch chi roi gwybod i Mair erbyn **Ebrill 10^{fed}** gyfanswm casgliad eich eglwys, os gwelwch yn dda? Gallwch wedyn dalu'r arian i gyfrif yr Ofalaeth naill ai ar-lein, neu trwy anfon sic i Mair yn daladwy i 'Gofalaeth Bro Aled', mor fuan â phosib wedi hynny.)

Cyfarfod Plant Pant Pastynog

Llawenhawn bod y clybiau plant yn parhau i gael eu cynnal yn gyson yn Ffestri Llansannan ac yn Ysgol Pant Pastynog. Diolchwn am y rhai sy'n cydweithio i redeg y clybiau gan sylweddoli na fyddai'n bosib eu cynnal heb yr arweinwyr a'r cynorthwywyr hyn.

Tîm Bro Dinbych sy'n arwain y gwaith yn Ysgol Pant Pastynog ac maen nhw'n gofyn yn garedig tybed oes rhywun o Fro Aled fyddai'n barod i fod yn rhan o'r tîm i helpu i redeg y sesiynau, os gwelwch yn dda? Mae nifer o blant o'r Fro hon yn mynychu'r ysgol yno, ac efallai bod rhiant, neu daid neu nain, neu unrhyw un yn wir sy'n gefnogol i'r gwaith fyddai'n barod i roi help llaw er mwyn sicrhau bod posib parhau i gynnal y clwb. Bob pythefnos ar bnawn Llun o 3:00 – 4:00 o'r gloch y maen nhw'n cyfarfod. Plis cysylltwch â Sarah Dafydd (07900 308461 / sarah.dafydd@ebcpcw.cymru) os gallwch helpu.

Llais Bro Aled



Dydd Sul, 24 Mawrth 2024

eglwysibroaled.com

rhaglendorcas.com

llanw.org

“Teilwng yw'r Oen”

Un o'r darnau cerddorol mwyaf adnabyddus ydi'r “Meseia” gan Handel. Ers ei berfformio gyntaf yn Nulyn ym 1742 enillodd y gwaith ei le yng nghalonau cenedlaethau o bobl ledled y byd ac yn arbennig yma yng Nghymru, lle y cafodd ei berfformio yn gyson. Yma rydym hefyd yn gyfarwydd â fersiwn modern yn dwyn y teitl “Teilwng yw'r Oen”. Mae tystiolaeth enfawr bod yr Arglwydd Iesu wedi bod yn fodd i ysbrydoli pob math o gelfyddyd, yn gerddoriaeth, yn ddarluniau, yn lenyddiaeth a barddoniaeth. Bu dylanwad marwolaeth ac atgyfodiad Iesu yn fawr hefyd ar fywydau unigolion a theuluoedd a thrwy hynny ar fywyd cymunedau a gwledydd.

Yn ein gwlad ni bu'r Iesu yn destun siarad, myfyrdod a mawl a phobl yn canu “Teilwng yw'r Oen gas ei ladd, yr un a'n prynodd i Dduw trwy ei waed, i dderbyn gallu ac anrhydedd.” Ond pam bellach y tawelodd y gân ac y peidiodd llawer â chael eu hysbrydoli ganddo? Efallai ei fod â wnelo'r ffaith nad ydym bellach yn aros i ystyried o ddifri pwy yw Iesu a beth a gyflawnodd. Gwn am lawer wnaeth eu meddwl i fyny am Iesu ar brofiad amser maith yn ôl yn yr Ysgol Sul pan yn blant. Onid ffolineb ydi gwneud penderfyniad ar ryw beth mor bwysig ar brofiad plentyndod? Daeth eraill i benderfyniad ar sail rhagfarnau a grëwyd wrth i bethau gael eu dweud a'u gwneud yn enw Iesu gan bobl amherffaith. Gofalwn wneud amser y Pasg hwn i ystyried yr Iesu. Galwad sydd gen i ar i bob un ohonom edrych eto ar Iesu. Agorwn ein Beiblau o'r newydd i fyfyrno arno. Ymunwn mewn addoliad a myfyrdod gyda'n gilydd ac ar ein haelwydydd. O wneud hynny, gwn y cawn ein hysbrydoli ganddo.

Cofiwn eiriau a neges yr Arglwydd, “Hedd yn awr i'm pobl medd eich Duw”. Pwy fyddai'n gwadu bod angen heddw'r y byd ac yn ein calonnau ninnau? Daw'r heddw'r wrth i ni gredu yn Iesu Grist a'i gofleidio yn Arglwydd a Gwardwr ein bywyd. Mae pobl ar hyd y canrifoedd wedi profi ei heddw'r nerth ac wedi eu hysbrydoli ganddo. Profwn heddw'r ei gwmmni a'i rannu gyda'n gilydd ac eraill.

Y Parch. R. O. Roberts

Cyhoeddiadau'r Fro

Dydd Sul, Mawrth 24^{ain}

- **Oedfa i'r Daith yng Nghefn Meiriadog** am 10:30 o dan arweiniad Mr Dewi Williams.
- **Oedfa yn Groes** am 9:30 ac **yng Nghefn Berain** am 11:00 o dan arweiniad y Parch. Meirion Morris. Bydd Ysgol Sul y plant yn Henllan am 10:30 ac Ysgol Sul yr oedolion yn dilyn yr oedfa yn Groes.
- **Oedfa i'r Daith yn Nantglyn** am 2:00 y pwnn o dan arweiniad Mr Celfyn Williams.
- **'Gwreiddiau'** – Amser o addoliad ar y cyd â Bro Dinbych yng Nghanolfan Eirianfa, Dinbych am 3:00 y pwnn (a phob pwnn Sul arall).

Dydd Mawrth, Mawrth 26^{ain}

- **Cyfarfod Gweddi'r Fro** yn Festri Capel Cefn Berain am 7:30 yr hwyr.

Dydd Gwener, Mawrth 29^{ain}

- **Oedfa Bore'r Groglith (Y Fro)** – Oedfa gymun yng Nghapel Soar, Llanfair Talhaiarn am 10:30 o dan arweiniad y Parch. Gareth Edwards. Croeso i bawb.
- **Oedfa'r Groglith (Capel Cefn Berain)** am 7:00 yr hwyr. Pregethir gan Mr Arwel Roberts, Rhuddlan.

Dydd Sul, Mawrth 31^{ain}

- **Gwasanaeth y Pasg yn Henllan** am 9:30.
- **Gwasanaeth Teulu yng Nghefn Berain** am 10:00.
- **Gwasanaeth Teuluol y Pasg yng Nghapel Llanefydd** am 10:00 a phaned a chacen i ddilyn.
- **Gwasanaeth i ddathlu'r atgyfodiad yng Nghefn Meiriadog** am 10:30 gyda phaned i ddilyn.
- **Oedfa Deuluol Sul y Pasg yn Llansannan** am 10:30 o dan arweiniad Mrs Nia W. Williams, Coleg y Bala a bydd plant 'Hwyl Pwnn lau' hefyd yn cymryd rhan. Yn dilyn y gwasanaeth, bydd paned i bawb yn y Festri.

Dydd Mawrth, Ebrill 2^{il}

- **Paned a Sgwrs yn Festri Llansannan** am 1:30 y pwnn a bydd sesiwn celf hefo Cath Williams.

Dydd Gwener, Ebrill 5^{ed}

- **Paned a Sgwrs yng Nghapel Llanefydd** am 10:00. Croeso cynnes i bawb.

Dydd Sul, Ebrill 7^{fed}

- **Oedfa yn Llansannan** am 9:30 ac **yng Nghefn Meiriadog** am 11:00 o dan arweiniad y Parch. John Treharne. Cynhelir Ysgol Sul yr oedolion yng Nghefn Meiriadog am 10:15.
- **Oedfa yng Nghefn Berain** am 9:30 ac **yn Groes** am 11:00 o dan arweiniad y Parch. Gwyndaf Jones. Ar ddechrau'r oedfa yn Groes, fe fydd aelodau Capel Groes yn cael cyfle, trwy bleidlais gudd, i fynegi eu barn ynglŷn ag a ddylid ethol mwy o flaenoriaid. Bydd Ysgol Sul y plant yn Henllan am 10:00 ac Ysgol Sul yr oedolion yn Groes am 10:15.
- **Oedfa yn Saron am 10:00 ac yn Nantglyn** am 2:00 y pwnn o dan arweiniad Mr Alun Jones.

Rhaghysbysiad – Medalau Gee

Cynhelir oedfa arbennig yng Nghapel Groes ar Ebrill 14^{eg} am 5:30 yr hwyr pryd y bydd tri o'r aelodau yn derbyn Medal Gee am eu ffyddlondeb i'r Ysgol Sul. (Cawn gyfle i'w llongyfarch yn y rhifyn nesaf.) Bydd yr oedfa o dan arweiniad y Parch. Aled Davies. Croeso cynnes i bawb.

Rhagrybudd – Ethol mwy o flaenoriaid

Ar ddechrau'r oedfaon ar Ebrill 14^{eg}, fe fydd aelodau Eglwys Unedig Llansannan ac aelodau Capel Y Waen, Nantglyn yn cael cyfle, trwy bleidlais gudd, i fynegi eu barn ynglŷn ag a ddylid ethol mwy o flaenoriaid. (Bydd aelodau Capel Groes hefyd yn pleidleisio ar Ebrill 7^{fed} – gweler uchod).

Gŵyl Llanw 2024

Cynhelir yr ŵyl Gristnogol hon eleni eto yng Ngwersyll yr Urdd, Llangrannog rhwng Ebrill 1^{af}–5^{ed}. Y prif siaradwr bore Mawrth, bore Mercher a bore lau fydd Arfon Jones, ac o nos Lun ymlaen, bydd Martyn Geraint, Heulwen Davies, Steffan Jones, Steff Morris a Lois Franks ac eraill yn arwain yr oedfaon/cyfarfodydd gyda'r nos. Bydd darpariaeth ar gyfer y plant a'r ieuencid hefyd. Cymraeg fydd iaith holl weithgaredd a chyfarfodydd Llanw ond bydd offer cyfieithu ar gael yn y prif oedfaon.

Mae'r holl lety wedi gwerthu allan ers wythnosau ond bydd croeso cynnes i ymwelwyr dyddiol. Ceir manylion pellach, amserlen lawn a manylion prynu tocynnau dydd ymlaen llaw ar y wefan: llanw.org. Bydd croeso i chi fynd yno ar y diwrnod i fynychu'r oedfaon a'r seminarau, ond os ydych yn dymuno ymuno yn y prydau bwyd, bydd angen prynu tocyn dydd ymlaen llaw.

Manylion Cyswllt

Mair – 📧 mair@eglwysibroaled.com 📞 01745 870632 📞 07900 627536
Cyhoeddiadau ar gyfer y rhifyn nesaf i'w hanfon i Mair erbyn nos Fercher (3^{ydd}),
os gwelwch yn dda.